


STORACLES OF PROPHECY

Nupi Nih Ta-anthu

Kumpite Masa 3:16-28

Ta-ang Thu . . .



AMAZING FACTS

Kumpipa in kua ta hizaw cih koici khensat ding hiam? A kinialnial laitak un kumpipa in aci-ing khat pa kiang namsau la inla hih a nungta lai naungek phel nih suah in ci-in sawl hi. Galkap pa in ciamnuhna sa-a aom leh Solomon in amah a salh gega amuh ciangin damtakin in a namsau dok a, naungek a tawi nupi kiang zuan hi. Thakhathtu-in ta nei taktak nupinu kumpipa khe phungah kidenna in hehpihna tawh, "Naungek that kei inla, amah pia in!" ci-in ngen hi. A khat nu in, "Hih lel in ken zong tanglo ding, aman zong tanglo ding, phel nih suah in." ci hi. Tua ciangin Solomon in lunghian om hetlo-in ta nei nupi tatak thei hi. Genkhollna ah, numei pen pawlpi cihna hi (Jeremiah 6:2). Hih tawh kizui-in pawlpi hizah atam, a nungta Tapa anei ni nununga pawlpi, koici ih theithe ding hiam! Solomon bangin eite in zong Pasian namsau ahi Ama kammal ih zat kul ding hi (Hebrew 4:12)!

Thu Sinna

Laisiangtho na sim khitciangin a awng munte behlap in.

1. Mangmuhna bu in Pasian pawlpi maan hong koici lah hiam?

Mangmuhna 12:1, 2, 5 Vantungah lamdang lian khat akilang hi. _____ khat in ni silhin, kha in ama nuai ah om in, aksi sawm leh nih atuang kumpi lukhu alu khutungah khuin aom hi. Tua numei in _____ in om a, tasuah ding natna nakpi in tung a kiko in aom hi. ... Numei in mi pawl khempeuh _____ ciangkhut tawh a uk ding Tapa asuah ciangin Pasian kiangah ahizongin, ama tokhom kiangah ahi zongin aki paipih hi.

Phawk Ding: Laisiangtho genkhollna sungah Pasian' pawlpi pen nungak siangtho iin na gen hi (Jeremiah 6:2). Mangmuhna 12 sunga numei in ni, kha, aksi te silh—Pasian' piansak ngiat khuavak te silh. Zeisu in, "Note leitung khuavak na uh hi." ci hi Matthew 5:14. Ni pen Zeisu khuavak limla hi (Late 84:11; Malachi 4:2). Akhe nuai-a kha (moon) in Laisiangtho Lui a gangawh biakpiakna ii liim te a gen nuam ahi hi. Kha (moon) in ni taang alenn kik mah bangin, gangawh biakpiakna te in hong pai ding Messiah ii khuavak alanghsak ahi hi (Colossians 2:16, 17; Hebrew 10:1). Alu tunga aksi 12 te in pawlpi kimakaihna—Laisiangtho Lui a minam 12 leh Laisiangtho Thak a nungzuipi 12 te limla ahi hi. Minam khempeuh sikciang tawh a uk ding pa pen Zeisu ahi hi (Late 2:7-9; Mangmuhna 19:13-16).

2. "Alian gulpi san" kua hi a, aman bang sep sawm hiam?

Mangmuhna 12:9 Leitung khempeuh akheem _____, kici tang lai gulpi peen ama nungzuite tawh leitungah a kikhiasuk hi.

Mangmuhna 12:4 A nau a suah phetin a _____ dingin nausauk dingin a kithawi tua numei' mai-ah a ding hi.

Phawk Ding: Gulpi pen Satan hi, Zeisu suah laitak-a dawi bia Rome Kumpi tungtawn a nasem pa hi. Satan in Rome gam uk Herod khutzat a, Zeisu a thah nop man bekin Bethlehem khua sunga om naungek khempeuh that sak hi (Matthew 2:16).

3. Satan in Zeisu a zawh loh khitciangin bang piang hiam?

Mangmuhna 12:5 Ahi zongin tua naungek pen thakhatin -in Pasian kiangah, a tokhom ah kipaipih hi.

Phawk Ding: A thawhkit khitciangin Satan bat zawh lohna mun vantung Pasian' tokhom ah kahto hi (Sawlakte 1:9-11)

4. Zeisu vantung a kahtoh khitciangin Satan in pawlpi bangci bawl hiam?

Mangmuhna 12:13 Gulpi in leitungah akikhiasuk zo hicih a theih ciangin Tapa a nei nupi a _____ hi.

Phawk Ding: Satan in a muhdah Zeisu asuk theih nawn loh ciangin, pawlpi suksiatna tawh Zeisu nasak dingin a khensat hi.

5. A lauhuai mahmah bawlsiat hun laitakin numei koi ah tai aa? Bang tanvei sawt hiam?

Mangmuhna 12:6 Tua numei in zong ni tul leh zanah leh sawmguk sung lai takin, vak in akikhoi nading un Pasian in abawl khollna _____ atai hi.

Phawk Ding: Numei (Pasian' pawlpi) pen agal pa kiang pan abuk nadingin gampalak (a gamlatna mun leitang) ah tai hi. Ta-anthu ah mi khempeuh theih mah bangin, khuamial hun sung (Dark Ages) tengin Pasian' mite suang kuahawm leh mun muanhuaina mun te beel-in tai kawikawi uha, biakna suahtaak nading leh papacy ii bawl siatna pan suahtaak nading zongin America dong tung uh hi. Ni 1260 (Laisiangtho in kha 42; ahih kei leh kum 3 leh alang ci a zong agen) kum 1260 hun sungin misiangtho awn tami te in a upna hang un si uh hi. Hih hun sungin, Pasian' pawlpi bei hetlo a, ahizongin kumpi ciaptehna, muh theih kipawlina iin bel omlo hi. (Hilcianna ah thulu "Kibawlsiatna Kum te" cihna na sim in.)

6. Pasian' pawlpi maan theih nading adang ciaptehna nam nih te in bang hiam?

Mangmuhna 12:17 Gul in numei tungah heh mahmah a, Pasian tham loin Zeisu' _____ alen numei suante lak pan aom laite tawh galdo dingin kuankhia a, ...

Phawk Ding: A beibaang Pasian' pawlpi, a sapkhat Ama mite in Pasian' Thukham Sawm (Sabbath ni akihel) len ding uh hi. Tua bek thamlo-in Zeisu' tecu panna ahi khasiangtho genkhollna thu, ahih kei leh piakkhong genkhollna thu, kamsanna kha (**Spirit of Prophecy**) zong nei ding uh hi (**Mangmuhna 19:10 *** "Kamsanna Kha thu"**). Pasian in ni nununga apawlpi pen "abeibaang" pawlpi ci-in sam hi, bang hang hiam cih leh nungzui te zuih leh doctrine tawh ading pawlpi ahih man ahi hi. "abeibaang" kammal pen puannaan bang hileh abek khat bek omlai cihna hi. Tua a omlai abek khat bek pen a puannaan taktak ii sa linlian mah ahi hi.

7. Zeisu in Amah ih itna koici lah theih ding hong ci hiam?

John 14:15 Kei na hong it uh leh Ka _____ zong na zui ding uh hi.

1 John 5:3 Pasian i it ciangin ama _____ a zui ihi hi.

Phawk Ding: Ih patna a ta-anthu sungah, itna taktak alak nu, nupi maan ahihna Solomon in a theih mah bangin Pasian' pawlpi maan zong Ama thukham te zuih ding lunggulh-a itna tawh kipiakkhiantha tungtawnin kithei thei ding hi.

8. Hun nunung Pasian' pawlpi te tangko ding vantungmi thum te tangko in bang hiam?

A. Mangmuhna 14:7 "Pasian kihta un la, a vangliatna phat un. Bang hang hiam na cih uh leh, a _____ ding hun a tung zo hi. Vantung, leitung, tuipi leh cikte a bawlpa _____ un."

B. Mangmuhna 14:8 Nihna vantungmi in zui in, nu leh pa khialhna tawh kipawl ama hehna lenggah zu mi pawl khempeuh adawsak khuapilian _____ zo hi, acim zo hi, ci in agen hi.

C. Mangmuhna 14:9, 10 Thumna vantungmi in zui in, mi khat peuhmah in _____ leh ama milim bia-in, ama taltang tunga hih kei leh, a khut tungah _____ angah leh, Pasian' hehna hai ah a kihel khawm lo akikohi hehna leenggah zu tua mi in a dawn ding hi.

Phawk Ding: Vantungmi thum te tangko ahi patau kohna thupuak thum te, Pasian' pawlpi mite in Zeisu hong pai kik ma-a tangko ding ahi hi.

9. Pasian pawlpi mite in kua tungah hih thupuak te tangko ding?

Mangmuhna 14:6 Leitungah ateeng mite akipan _____, nam khempeuh, pau khempeuh, pawl khempeuh te kiangah Pasian Lungdamna Thu hilh dingin, ...

Phawk Ding: Hun-nunung Pasian' pawlpi mite in hih alian thupuak thum te leitung ateng minam khempeuh kiangah tangko ding uh hi.

10. Pasian in hun-nununga Ama pawlpi ih theihtheih nadinga Laisiangtho (Ama Kammal) sungah atuam diak a hong piak thu te in bang hiam?

- A. Gampalak pan 1798 kum cianga hong kilangkhia ding uha, thuman hong tangko ding uh hi. (Mangmuhna 12:6, 13-17).
- B. Nungzuipi te hilh thumaan thu mah hong hilh ding uha, Laisiangtho tawh hong kituak ding hi. (Mangmuhna 12:17).
- C. Amau te in Thukham Sawm leh Laisiangtho Sabbath zong hong len ding uh hi. (Mangmuhna 12:17).
- D. Kamsanna kha thu zong nei ding uhi. (Mangmuhna 12:17; 19:10).
- E. Hun nunung Pasian thupuak thum te zong nakpi-in tangko ding uh hi (Mangmuhna 14:6-14).
- F. Leitung bup huam nasepna hi ding hi. (Mangmuhna 14:6).
- G. Zeisu khat bek tung panin gupkhiatna kingah thei hi cih atawntung lungdamna thu hong tangko ding uh hi. (Mangmuhna 14:6).

Phawk Ding: A ithuai Christian pawlpi mi tami tak te in atunga thu sagih te tawh kituak lo uh hi. Abeibaang Pasian sap Ama it a tate khempeuh pen tua bang hithei peuh mah lo ding hi, bang hanghiam cih leh hun-nununga Ama pawlpi pen hih thu sagih teng tawh akituak kim kul hi.

11. Zeisu in theihtheih nading genkhohlna hih thu sagih tawh Ama pawlpi maan a zong dingin hong sawl a, "Pai inla Ka Pawlpi va zongin" hong ci hi. A zong mite Amah in bang hong khaam hiam?

Luke 11:9 Zong un, Na zon uh leh, na _____ ding uh hi.

12. Leitunga om pawlpi bangzah in hih thu sagih te tawh kituak ding hiam?

Ephesians 4:5 Topa khat bek, _____ bek, baptize na khat bek aom hi.

Phawk Ding: Leitung bupah pawlpi khat bek in hih thu sagih te tawh kituak hi—tua in Seventh-day Adventist Pawlpi hi a, hih tangkona te hong puak uh hi. Tu-in zong leitung bupah alian vantungmi thum thupuak (Mangmuhna 14:6-12) kitangko hi. Awn tami in sang hi.

13. Pawlpi tami takin amau leh amau Christian kici uh hi. Tua manin Pasian' pawlpi maan ahi thei pah ding hiam?

Isaiah 4:1 Tua ni ciangin, nupi sagih in papi khat nei khawn ding uh a, Kote in komau' _____ ne in, komau _____ ciat ka silh ding uh hi. Kote pen _____ zi cih min bek hong pua sak in; ka minsatna teng uh hong hum in.

Phawk Ding: anluum pen Pasian' Kammal cihna hi (John 6:35, 51, 52, 63), puan cih pen dikna lim ahi hi (Mangmuhna 19:8). Hih genkhohlna sunga numei te in amau an ciat nei uh a (amau maan sak ciat) amau puan ciat mah silh nuam uh hi (dikna). Amau te in paubanna neilo Zeisu' dikna puan deih lo uh hi. Amau deih in Zeisu min bek hi, ahang pen hih hiding hi bang hang hiam cih leh Laisiangtho in, "eite in hotkhiatna i ngahtheihna dingin leitung khempeuhah Pasian in hong piak min dang khat zong omlo hi." ci hi Sawltaakte 4:12.

14. Mi khat in hun-nunung Pasian' pawlpi maan amuhkhiat ciangin, pawlpi mi suah ding akitangsam hiam?

Sawltaakte 2:47 Topa in nisimin amau _____ sungah a kihonkhia mi a _____ sak hi. (added to the church) ZIV

Phawk Ding: He! hun-nunung Pasian' pawlpi mi hih ding thupi mahmah hi. Phawk dingah hih pawlpi mi suah ding tawh kisai dotna Pasian in kiciantak hong dawn hi:

- Eite khempeuh in pumkhat ih hi hi (Colossians 3:15).
- Pumpi in pawlpi (Colossians 1:18).
- Kituiphumna tawh tua pumpi sung ih lut hi (1 Corinthians 12:13).

Noah hun a tembaw sung akilut mah bangin tu-in Pasian' pawlpi sungah lut ding kisam hi. Topa in, "Nang leh na innkuanihi khempeuh teembaw sungah lut un." ci hi Piancil 7:1.

15. Noah's hun lai-in suahtaak nading lampi bangzah om hiam?

Hebrews 11:7 Noah in zong a upna hang mah tawh, ...
_____ khat bawlin a innkuanihi tawh na suakta hi.

Phawk Ding: Noah hun lai mah bangin Zeisu hong kumkik ma-in piang ding hi Zeisu in ci hi. Noah hun lai-in tembaw khatbek aom mah bangin, suahtaakna ding zong lampi khatbek mah hi ding hi.

16. Pawlpi dangah a citak Christian tami om a, Pasian in abeibaang pawlpi maan khatbek nei ahihteh, hih a citak Christian dang te bangci ding uh?

Johan 10:16 Hih tuukhumna sunga om lo tuu dang zong ka nei lai hi. Tua tuute zong ka hong _____ lai ding hi. Amaute in ka aw _____ ding uh a, amaute tuu hon _____ suakin tuu cingpa khat aom ding hi.

Mangmuhna 18:2, 4 Babilon khuapi acim hi, acim hi... ka mi pawlte aw, tua khuapi _____ te tawh na kipawl loh nadinguh ahi zongin, ama _____ na thuak loh nading uh ahi zongin, pu suakin hong _____ un.

Phawk Ding: Zeisu in anung azui tatak te, Ama tunga citak khempeuh te Babylon pan hong paikhia un ci-in sam ding hi. Amau te in Ama aw za-in, dawng ding uha, hun-nunung Zeisu pawlpi maan khatbek sungah lut ding uh hi.

Nang Dawnna

Zeisu in tuni-in a muanhua hun-nununga Ama pawlpi lian sungah a lut dingin hong sam hi. Nang pen Ama adingin na manpha mahmah hi. Hongsapna tu-in na dawng ding hiam? DAWNNA: _____

Hilhcianna

Hih anuai- a te in telbeh nadingin hong huh ding hi.

Kibawlsiatna Kum te

Bawlsiatna hun kum 1260 thu pen Laisiangtho in genpha kikkik hi, bang hanghiam cih leh abeisa ciangah Pasian' mite phutkhak asiahuai pen bawlsiatna hi (Matthew 24:21). Laisiangtho in, ni 1260, kha 42, leh hun or kum thum leh alang (Mangmuhna 12:6, 14; 13:5; Daniel 7:25) te in zong gen hi. Judah te calendar zang leng kum khat ah ni 360 om a, tua tawh gawmto leng—kum 1260 pha hi. Genkhohlna ah ni khat pen a tatak kum khat tawh kikim hi (Ezekiel 4:6; Gamlkvakna 14:34).

Leitung ta-anghu in zong limtak leh siangtak-in hong gen a, papacy in kum 1260 sung mi tami tak bawlsia hi ci-in kigelh hi. Papacy thuneihna akipat kum pen 538 AD kum hi a, milim bia Rome Kumpi Justinian in thuneihna apiakna hangin Christian sungah thunei pen suak hi. Tua hun laitakin bishop of Rome pen biakna khempeuh te lutang pi dingin koih hi. Hih thupiakna pen Roman Uknna sungah Justinian ii thukhun ahi hi. Papacy thuneihna pen Napoleon ii general pa Alexander Berthier in 1798 kum a, pope amat ciangin a bei hi. Hih hun sungin atawm pen Christian awn 50 bang in amau upna hangin thatna thuak uh hi

Athupi mahmah Thu Thumte:

Mangmuhna 12:10-12 sungah Pasian' mite ading anak thupit mahmah thu thum om hi. Tua thum te in:

1. Sanggam te a mawsak den pa, Satan, Zeisu in singlamteh tungah zo hi.
2. Eite in Zeisu sisan tungtawn leh ih tecipanna tungtawnin Dawimangpa ih zozo thei hi.
3. A hun tom cih thei ahih manin Dawimangpa heh mahmah hi. Eite in mihoih ih sak khak hetloh ding ahi hi, ih gal lian pen pa ahi hi.

A lungdam huai thu in Zeisu (Satan a zo Pa) in tehpih theih omlo avangliatna akhawnkhongin eite hong pia hi. Tua Zeisu' vangliatna tawh ih nuntaakna ah Satan ih lel het kei ding hi. Satan siatna ih vakhoih ding kisam lo hi. Amah pen gal lel pa hi. Vantungah gal lelin akilawnkhia pa ahi hi. Singlamteh ah Zeisu lelin a ukna a taan pa hi. Thumaan tawh thu kikhen ciangin lel dinga, Pasian' khua siangtho a do ciangin zong a lel lailai ding hi. A tawpna ah leitung maitang panin kizungbawh dinga katmei kuangah kihal tum ding hi. A lawphuai penpen ah Satan in nang leh kei hong susia nuam-a hong dona lel taktak ding hi ci-in Zeisu in hong kamciam hi. Zeisu kiang pan ih lamet thu in bangzahin manpha ahi hiam!